

BS EN FR DE RU ES AR

Behram-begova medresa u Tuzli domaćin debate: "Jednaki u različitosti – ne diskriminaciji"

Februar 24, 2018



U Behram-begovoj medresi danas je započelo XXI debatnog takmičenja Bosne i Hercegovine koje se održava od 23. do 25. februara. Organizatori takmičenja su Centar za kulturu dijaloga Bosne i Hercegovine iz Sarajeva i Behram-begova medresa u Tuzli. Debata ima za cilj kod mladih srednjoškolaca pobuditi metode za razvoj zdravog dijaloga i konstruktivnih razgovora o različitim temama.

Takmičenje je otvorio muftija tuzlanski Vahid-ef. Fazlović koji je kazao da su mladi, kultura i dijalog budućnost naše zemlje, te da se kulturom dijaloga dolazi i do veoma važnog dijaloga među kulturama.

Prisutnima su se obratili i direktor Behram-begove medrese Ahmed Hatunić, direktorica Centar za kulturu dijaloga Bosne i Hercegovine Sanja Vlajsavljević, pomoćnica Ministra za obrazovanje i nauku u Vladi Tuzlanskog kantona Mersija Jahić i koordinator ovog takmičenja Ahmed Omerović.

Na takmičenju učestvuje oko 140 učenika iz svih dijelova Bosne i Hercegovine. Naziv ovogodišnje debatne smotre srednjoškolaca iz Bosne i Hercegovine je "Jednaki u različitosti – ne diskriminaciji". Generalne teme o kojima će takmičari debatirati su: Zajedništvo u školi (u Bosni i Hercegovini); Izuzetice od jednakog postupanja (gdje je najveća dobrobit od pozitivne diskriminacije) u Bosni i Hercegovini i Utjecaj medija na poticanje diskriminacije (u Bosni i Hercegovini).

Poziv za učlanjenje u grupu: Poštovani posjetioци naše web stranice, pozivamo Vas da se aktivno uključite u tematiku Facebook grupe **Tuzlanska Republika** (Politika, Društvo, Business, Sport, NVO... na području tuzlanske regije), klikom na link: <https://www.facebook.com/groups/tuzlanskarepublika>. Hvala!
